



Broj: 06-1-07-1-2944/09
Sarajevo, 20.08.2009. godine
(A.J.)


01-50-1-15-58-1/09,
28.08/09.

Bosna i Hercegovina
Parlamentarna skupština Bosne i Hercegovine

Predstavnički dom Parlamentarne skupštine Bosne i Hercegovine

Trg Bosne i Hercegovine 1.

71 000 Sarajevo



Predmet: Odgovor na poslaničko pitanje

Veza: Vaš akt broj: 01-50-1-15-58/09 od 24.07.2009. godine

Poštovani,

Adem Huskić, poslanik u Predstavničkom domu Parlamentarne skupštine Bosne i Hercegovine, je postavio sljedeće poslaničko pitanje: „Da li Centralna izborna komisija Bosne i Hercegovine vodi imovinske kartone načelnika općina, te državnih službenika uposlenih u organima za kontrolu poreskih obveznika i da li Državna agencija za istrage i zaštitu prati način sticanja bogatstva gore navedenih kategorija građana“, na koje Centralna izborna komisija Bosne i Hercegovine daje sljedeći:

ODGOVOR

Odredbama člana 15.8 Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05 52/05, 65/05, 77/05, 11/06, 24/06, 32/07, 33/08 i 37/08) propisano je da su kandidati izabrani na svim nivoima vlasti, osim nivoa Bosne i Hercegovine i nivoa entiteta dužni u roku od 30 dana od dana objave ovjere mandata u Službenom glasniku BiH, na posebnom obrascu, predati Centralnoj izbornoj komisiji Bosne i Hercegovine potpisanu izjavu o imovinskom stanju iz člana 15.7 ovog Zakona. Izabrani član organa vlasti na svim nivoima dužan je da Centralnoj izbornoj komisiji Bosne i Hercegovine podnese izvještaj o imovinskom stanju u roku od 30 dana nakon isteka mandata na koji je izabran, kao i u slučaju prestanka mandata u smislu člana 1. 10 stav (1) tačke 1), 4), 5), 6). 7) i 8) ovog Zakona u roku od 30 dana od dana prestanka mandata. Centralna izborna komisija Bosne i Hercegovine donosi uputstva kojima se bliže određuje izgled i način ispunjavanja obrazaca iz stava (1) ovog člana i člana 15.7 ovog Zakona.

Nadalje, odredbama člana 15.9 Izbornog zakona Bosne i Hercegovine propisano je da Centralna izborna komisija Bosne i Hercegovine omogućava da obrasci koji sadrže izjave o ukupnom imovinskom stanju budu dostupni javnosti. Centralna izborna komisija Bosne i Hercegovine nije odgovorna za tačnost podataka koji se odnose na podatke sadržane u obrascu.

Na osnovu naprijed navedenog, Centralna izborna komisija Bosne i Hercegovine vodi izvještaje o imovinskom stanju načelnika općina/opština i to nakon dodijele mandata, kao i nakon prestanka mandata na koji je izabran.

Također napominjemo da je, u slučaju nedostavljanja izvještaja o imovinskom stanju Centralnoj izbornoj komisiji Bosne i Hercegovine u zakonskom roku, članom 19.10 Izbornog zakona Bosne i Hercegovine propisana novčana kazna.

U vezi dijela pitanja koje se odnosi na državne službenike uposlene u organima za kontrolu poreskih obveznika, Centralna izborna komisija Bosne i Hercegovine nije nadležna da vodi izvještaje o imovinskom stanju istih.

S poštovanjem,

Predsjednik

Branko Petrić

Dostavljeno:

- naslovu,
- a/a.





Broj: 17-07-30-2502-1/09

Datum: 17.08.2009. godine

PRIMLJENO: 29.08.2009			
Organizaciona jedinica	Klasifikaciona oznaka	Redni broj	Broj priloga
	01-50-1-15-58/09		

PARLAMENTARNA SKUPŠTINA BOSNE I HERCEGOVINE
Predstavnički / Zastupnički Dom

PREDMET: Poslaničko pitanje, odgovor, dostavlja se,-

Veza: Vaš akt broj: 01-50-1-15-58/09 od 24.07.2009. godine.

Pozivom na akt veze obaviještavamo vas da Državna agencija za istrage i zaštitu nema nadležnost da prati način sticanja bogatstva načelnika opština, te državnih službenika uposlenih u organima za kontrolu poreskih obveznika.

Izvorna nadležnost Državne agencije za istrage i zaštitu je sprečavanje, otkrivanje i istraga krivičnih djela iz nadležnosti Suda Bosne i Hercegovine, a posebno organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala.

S poštovanjem,



DIREKTOR

Mirko Lujčić